


周書 傳世三之六

九




東 京 圖 書 館			
一	四	五	正史類
冊	號	架	函

漢 書 門			
一	五	五	漢書門
冊	架	函	號

内 閣 文 庫			
二	五	九	漢書
八	九	五	
の	一	三	
函	〇	三	
一	〇	三	
九	〇	三	
架	冊	架	冊

内 閣 文 庫			
番 號	漢	5953	
冊 數	10 (9)		
函 號	280	65	



糊などで貼り付けられている部分がめくれない箇所あり
裏面記載のない箇所は省略

列傳第三十三

周書四十一

令狐

德榮

等撰

王褒

庾信

王褒字子淵琅邪臨沂人也曾祖儉齊侍中太尉南昌文憲公祖騫梁侍中金紫光祿大夫南昌安侯父規梁侍中左民尚書南昌章侯竝有重名於江左褒識量淹通志懷沉靜美風儀善談笑博覽史傳尤工屬文梁國子祭酒蕭子

雲襄之姑夫也特善草隸襄少以姻戚去來其
家遂相模範俄而名亞子雲竝見重於世梁武帝
喜其才藝遂以弟鄱陽王恢之女妻之起家祕
書郎轉太子舍人襲爵南昌縣侯稍遷祕書丞
宣成王大器簡文帝之冢嫡即襄之姑子也于時
盛選僚佐乃以襄爲文學尋遷安成郡守及侯
景度江建業擾亂襄輯寧所部見稱於時梁元
帝承制轉智武將軍南平內史及嗣位於江陵
欲待襄以不次之位襄時猶在郡敕王儁辯

以禮發遣襄乃將家西上元帝與襄有舊相得
甚歡拜侍中累遷吏部尚書左僕射襄旣世胃
名家文學優瞻當時咸相推挹故旬月之間位
昇端右寵遇日隆而襄愈自謙虛不以位地矜
人時論稱之初元帝平侯景及擒武陵王紀之
後以建業彫殘方須脩復江陵殷盛便欲安之
又其故府臣寮皆楚人也竝願即都荆郢嘗召
羣臣議之領軍將軍胡僧祐吏部尚書息慄太
府卿黃羅漢御史中丞劉毅等曰建業雖是舊

都王氣已盡且與北寇隣接止隔一江若有不虞
悔無及至臣等又嘗聞之荆南之地有天子氣
今陛下龍飛續業其應斯乎天時人事徵祥如
此臣等所見遷徙非宜元帝深以為然時褒及
尚書周弘正咸侍座乃顧謂褒等曰卿意以為何
如褒性謹慎知元帝多猜忌弗敢公言其非當時
唯唯而已後因清閑密諫言辭甚切元帝頗納
之然其意好荆楚已從僧祐等策明日乃於衆
中謂褒曰卿昨日勸還建業不為無理處以

宣室之言豈宜顯之於衆知計之不用也於
是上不復言及入軍征江陵元帝授褒都督城
西諸軍事褒本以文雅見知一柔委以搃戎深自
勉勵盡忠勤之節被圍之後上下猜懼元帝唯
於褒深相委信朱買臣率衆出宣陽之西門與
王師戰買臣大敗褒督進不能禁乃貶為護軍
將軍王師攻其外柵城陷褒從元帝入子城猶欲
固守俄而元帝出降褒遂與衆俱出見柱國于
謹謹其禮之褒曾作燕歌行妙盡關塞寒苦

之狀元帝及諸文士竝和之而競爲凄切之詞至此方驗焉褒與王克劉毅宗慄殷不害等數十人俱至長安太祖喜曰昔平吳之利二陸而已今定楚之功羣賢畢至可謂過之矣又謂褒及王克曰吾即王氏甥也卿等竝吾之舅氏嘗田以親戚爲情勿以去鄉介意於是授褒及克以不害等車騎大將軍儀同三司常從容上席嘗餼甚厚褒等亦竝荷恩矧忘其羈旅焉孝閔帝踐祚封石泉縣子邑三百戶世宗即位篤好文學時褒與庾信才名最高特加親待帝每遊宴命褒等賦詩談論常在左右尋加開府儀同三司保定中除內史中大夫高祖作象經令褒注之引據該洽甚見稱賞褒有器局雅識治體既累世在江東爲宰輔高祖亦以此重之建德以後頗參朝議凡大詔冊皆令褒具草東宮旣建授太子少保遷小司空仍掌論誥乘輿行幸褒常侍從初褒與梁處士汝南周弘讓相善及弘讓兄弘正自陳來聘高祖許褒等通親知立召問褒贈

弘讓詩并致書曰嗣宗窮途揚朱歧路仁蓬長
逝流水不歸舒慘殊方炎涼異節木皮石厚桂
樹冬榮想攝衛惟宜動靜多珍賢兄久關敬承
款曲猶依杜陵之水尚保池陽之田鏟迹幽蹊銷
聲穹谷何期愉樂幸甚幸甚第昔因多疾壅覽
九仙之方晚涉世途常懷五嶽之舉同夫關令物
包異人譬言彼客卿服膺高士上經說道屢聽玄
牝之談中藥養神每稟丹沙之說須年事道盡
空發衰謝甚其黃矣零落無時還念生涯斂示
夏爰摠集視陰愒曰猶趙孟之徂年負杖行吟同
劉琨之積慘河陽北臨空思鞏縣霸陵南望還
見長安所冀書生之魂來依舊自壤射聲之鬼無
恨他鄉白雲在天長離別矣會見之期邈無日矣
投筆攬紙龍鐘橫集弘讓復書曰甚矣悲哉此
之爲別也雲飛泥沈金鑠蘭滅玉音不嗣瑤華莫
因家兄至自鎬京致書於穹谷故人之跡有如對
面開題申紙流臉沾膝江南燠熱橘柚冬青渭
北泣寒楊榆晚葉土風氣候各集所安餐衛適

時寢興多福甚善甚善與弟分袂西陝言反東
區雖保周陵還依蔣徑三姜離拑二仲不歸麋
鹿為曹更多悲緒丹經在握貧病莫詣芝朮
可求恒為採掇昔吾壯日及弟富年俱值豈熙
竝歡衡泌南風雅操清商妙曲絃琴促坐無乏
名且辰玉瀝金華冀獲難老不虞一旦翻覆波瀾
吾已惕陰弟非茂齒禽尚之契各在天涯永念
生平難為肯臆且當視陰數筭前排愁破涕人
生樂耳憂戚何為豈能遽悲次房遊魂不反遠

缺二字

產駭柅無託但願愛玉體珍金箱保期頤
享黃髮猶冀蒼鷹為頽鯉時傳尺素清風朗月
俱寄相思子淵子淵長為別矣握管操觚聲淚
俱咽尋出為方州刺史卒於位時年六十四子

嘉嗣

庾信字子山南陽新野人也祖易齊徵士父肩
吾梁散騎常侍中書令信幼而俊邁聰敏絕
倫博覽羣書尤善春秋左氏傳身長八尺腰
帶十圍容止頽然有過人者起家湘東國常侍

轉安南府參軍時有書爲梁太子中庶子掌管
記東海徐摘爲左衛率摘子陵及信竝爲抄撰
學士父子在東宮出入禁闈恩禮莫與比隆既
有盛才文竝綺豔故世號爲徐庾體焉當時後
進競相模範每有一文京都莫不傳誦累遷尚
書度支郎中通直正員郎出爲郢州別駕尋兼
通直散騎常侍聘于東魏文章辭令盛爲鄴下
所稱還爲東宮學士領建康令侯景作亂梁
簡文帝命信率官中文武千餘人營於朱雀航
及景至信以衆先退臺城陷後信奔于江陵
梁元帝承制除御史中丞及即位轉右衛將軍
封武康縣侯加散騎常侍來聘于我屬大軍南
討遂留長安江陵平拜使持節撫軍將軍右金
紫光祿大夫大都督尋進車騎大將軍儀同三
司孝閔帝踐祚封臨濟縣子邑五百戶除司水
下大夫出爲弘農郡守遷驃騎大將軍開府儀
同三司司空中大夫進爵義城縣侯俄拜洛州
刺史信多識舊章爲政簡靜吏民安之時陳氏

與朝廷通好南北流寓之士各許還其舊國陳
氏乃請王褒及信等十數人高祖唯放王克殷
不害等信及褒竝借而不遣尋徵爲司宗中大夫
世宗高祖竝雅好文學信特蒙恩禮至於趙
滕諸王周旋款至有若布衣之交羣公碑誌多
相請託唯王褒頗與信相埒自餘文人莫有逮
者信雖位望通顯常有鄉關之思乃作哀江南
賦以致其思云其辭曰粵以戊辰之年建亥之月
大盜移山金陵瓦解余乃竄身荒谷公私塗炭
華陽奉命有去無歸中興道消窮于甲戌三日
哭於都亭三年囚於別館天道周星物極不反
傳之但悲身世無所求生袁安之每念王室自
然流涕昔柏君山之志事杜元顛之生平竝有著
書咸能自序潘岳之文彩始述家風陸機之詞
賦多陳世德信年始二毛即逢喪亂貌是流離
至于暮齒燕訝遠別悲不自勝楚老相逢泣將
何及畏南山之雨忽踐秦庭讓東海之濱遂淪
周粟下真漂泊阜橋羣旅楚歌非取樂之方魯

酒無忘憂之用追爲此賦聊以記之可不無危苦
之辭唯以悲哀爲主日暮途遠人間何世將軍
一去大樹飄零壯士不還寒風蕭瑟荆壁睨柱
受連城而見欺載書橫階捧珠盤而不定鐘儀
君子入就南冠之囚季孫行人留守西河之館
申包胥之頓地碎之以首蔡威公之淚盡加之以
血釣臺移柳非玉關之可望華亭唳鶴豈河橋
之可聞孫策以天下爲三分衆裁一旅項羽用江
東之子弟人唯八千遂乃分裂山河宰割天下
豈有百萬義師一朝卷甲交夷斬伐如草木焉
江淮無涯岸之阻亭壁無藩籬之固頭會箕歛
者合從締交鉏耨棘矜日因利棄便將非江表
王氣應終三百年乎定知并吞六合不免軼道之
災混一車書無救平陽之禍嗚呼山嶽崩頽旣
履危亡之運春秋送代必有去故之悲天意人
事可以悽愴傷心者矣沈復舟楫路窮星漢非
乘槎可上風飈道阻蓬萊無可到之期窮者欲
違其言勞者須歌甘事陸士衡聞而撫掌是所

甘心張子平見而一陋之固其空矣我之掌庾承
周以世功而為族經邦在漢用論道而當官與嵩
華之玉石潤河洛之波瀾居負洛而重世邑臨
河而晏安逮永嘉之始虞始中原之乏主民枕
倚於墻壁路交橫於豺虎值五馬之南奔逢三
暉之東聚被江漢而一國此播遷於吾祖分南
陽而賜田裂東嶽而昨土誅茅宋主之宅穿徑
臨江之府水木六運山川崩竄家有真道人多
全節訓子見於純深事君彰於義烈新野有生
去成卒離石有將兵都尉天子方刪詩書定禮
樂設重雲之講開士林之學談劫燼之灰飛辯
常星之夜落地平魚齒城危獸角卧刁斗於漿
陽絳龍媒之平繼小室下衡以干文為兒戲搢紳
以清談為廟略乘賁水而膠船馭奔駒而朽索
小人則將及水火君子則方成猿鶴弊簞不能
救鹽池之鹹阿膠不能止黃河之濁既而鮫魚
頰尾四郊多壘殿狎江鷗宮鳴野雉湛盧去國
餘皇失水見被髮於伊川知其時為戎矣彼姦

逆之熾盛久遊魂而放命六則有鯨有鯢小則
爲梟爲境負其牛羊之力凶其水草之性非王
燭之能調豈璿璣之可正值天下之無爲尚有
欲於羈縻系飲其琉璃之酒賞其虎豹之皮見
胡桐於大夏識鳥如於條支豺牙密厲虺毒潛
吹輕九鼎而欲問閒三山而遂窺始則王子召
戎姦臣介冑旣官政而離邊遂師言而泄漏望
廷尉之通囚反淮南之六躬寇飛狄泉之蒼鳥起
橫江之困獸地則石鼓咆呌山天則金精之宿北
闕龍吟東陵麟斷爾乃桀黠堪什扇憑陵畿甸
擁狼望於黃圖填廬山於赤縣青袍如草白馬
如練天子履端廢朝單于長圍高宴兩觀當戟
千門受箭白虹貫日蒼鷹擊殿競遭夏臺之
禍遂視堯城之變官守無奔閭之人干戚非平
戎之戰陶侃則空裝米船顧榮則虛搖羽扇將
軍死綏路絕重圍烽隨羣落書逐爲飛遂乃韓
分趙裂鼓卧旗折失羣班馬迷輪亂轍猛士嬰
城謀臣卷舌昆陽之戰象走林常山之陣地奔

穴五郡則兄弟相悲三州則父子離別護軍慷慨
忠能死節三世爲將終於此滅濟陽忠壯身參末
將兄弟三人義聲俱唱主辱臣死名存身喪狄
人歸元三軍悽愴尚書多方守備是長雲梯可
拒地道能防有齊將之閉壁無燕師之卧墻大
軍去矣人之云亡申子奮發勇氣咆勃實搃元
戎身先士卒冒落魚門真填馬窟屢犯通中頻
遭刮骨功業天枉身名埋沒或以隼翼鷄披虎
威狐假霜清鋒鎗脂膏原野兵弱虜疆城孤氣
寡聞鶴唳而虛驚聽胡笳而淚下據神亭而立
戟臨橫江而棄馬崩於鉅鹿之沙碎於長平
之瓦於是桂林顛覆長洲糜鹿潰潰沸騰茫
茫慘黷天地離阻人神怨酷晉鄭靡依魯衛
不睦競動天關爭回地軸探雀鷲而未飽待熊蹯
而詎熟乃有車側郭門筋懸廟屋鬼同曹社之
謀人有秦庭之哭余乃假刻蜜於關塞稱使
者之訓對逢鄂坂之譏嫌值彤門之征稅乘白馬
而不前策青騾而轉礙吹落葉之扁舟飄長

風於上游彼鋸牙而向爪又巡江而習流排青
龍之戰艦鬪飛鷁之船樓張遼臨於赤壁王濬
下於巴丘乍風驚馬而射火或箭重而回舟未辨
聲於黃蓋已先沈於杜侯落帆黃鶴之浦藏船
鸚鵡之洲路已分於湘漢星猶看於斗牛若乃
陰陵失路釣臺斜趣望赤岸而霜沾衣艤烏江而
不度雷池柵浦鵲陵焚戍旅舍無烟巢禽失樹
謂荆衡之杞梓度江漢之可恃淮海惟揚二千餘
里過漂渚而寄食託蘆中而度水屈于七澤濱
於十死嗟夫天保之未定見殷憂之方始本不
達於危行又無情於祿仕謬掌衛於中軍濫尸
丞於御史信生世等於龍門辭親同於河洛奉
立身之遺訓受成書之顧託昔三世而無慙今
七葉而始落泣風雨於梁山惟枯魚之銜索入
欹斜之小徑掩蓬藿之共翁就汀洲之杜若待
蘆葦之單衣于時西楚重勒王劔及繁陽慶兵金
匱校戰玉堂蒼鷹赤雀舳舻牙樯沈白馬而誓
衆負黃龍而度湘海潮迎艦江萍送王戎車屯

于石城戈船掩乎淮泗其侯則鄭伯前驅盟主
則荀瑩暮至剖巢燠穴奔魑走魅埋長狄於駒
門斬蚩尤於中冀然腹中燈飲頭爲噐直虹貫
壘長星屬地昔之虎據如盤加以黃旗紫氣莫
不隨狐兔而窟穴與風塵而殄瘁西瞻博望北
臨玄圃月榭風臺池平樹古倚弓於玉女牕扉
繫馬於鳳凰樓柱仁壽之鏡徒懸茂陵之書空
聚若夫立德立言謨明寅亮聲超於繫表道
高於河上旣不遇於浮立遂無言於師曠

愛子而託人知西陵而誰望非無北闕之兵猶有
雲臺之仗司徒之表裏經綸勒王實勤橫琯
戈而對霸主執金鼓而問賊臣平吳之功壯於
杜元凱王室是賴深於温太真始則地名全節終
以山稱枉人南陽校書去之已遠上蔡逐獵知之
何晚鎮北之負譽矜前風颺慄然水神遭箭山
靈見鞭是以虜能傷馬浮蛟沒船才子并命俱
飛百年中宗之夷凶靜亂大雪冤恥去代邸而
承基遷唐郊爲纂祀反舊章於司隸歸餘風於

正始沉猜則方逞其欲藏疾則自矜於已天下之
事沒焉諸侯之心搖矣既而齊父北絕秦患西起
汎背關而懷楚異端委而開吳驅綠林之散卒
拒驪山之叛徒營軍梁滎蒐乘巴渝問諸淫昏
之鬼求諸厭劾之巫荆門遭廩延之戮夏首濫
達泉之誅茂因親於教愛忍和樂於彎弧慨無
謀於肉食非所望於論都未深思於五難先自擅
於一端登陽城而避險卧砥柱而求安既言多於
忌刻實志勇於刑殘但坐觀於時變本無情於
急難地爲黑子城猶彈丸其然則黷其盟則寒
豈寬禽之能塞海非愚也又之可移山況以沴氣
霄浮妖精夜殞赤鳥則一朝夾日蒼雲則七重
圍軫亡吳之歲既窮入郢之年斯盡周含鄭怒
楚結秦寬有南風之不諶况值西陵之責言俄而
梯衝亂舞其異馬雲屯棧秦車於暢轂沓漢鼓
於雷門下陳蒼而連弩度臨晉而橫船雖復
楚有七澤人稱三戶箭不誦麗於六麋雷無驚馬於
九虎辭洞庭兮落木去山冷陽兮極浦熾火兮焚

周書列傳三十三
旗具風兮害蠱乃使玉軸揚灰龍文斫柱下江餘
城長林故營徒思籍馬之秣未見燒牛之兵章
曼之以轂走宮之奇以族行河無冰而馬度關
未曉而鷄鳴忠臣解骨君子吞聲章華望祭之
所雲夢偽遊之地荒谷縊於莫敖治浦囚乎群帥
州穿摺拉鷹鷂批攢冤霜夏零憤泉秋沸城崩
妃婦之哭竹染湘妃之淚水毒秦涇山高趙陘
十里五里長亭短亭饑隨蟄鷄聞逐流螢秦
中水黑關上泥青于時瓦解水半風飛電敷
渾然千里溜漚一亂雪暗如沙冰橫似岸逢赴
洛之陸機見離家之王粲莫不聞隴水而掩泣
向關山而長歎况復君在交河妾在清波石望
夫而逾遠山望子而逾多才人之憶代郡公主
之去清河相楊亭有離別之賦臨江王有愁思
之歌別有飄飄武威羈旅金微班超生而望反
溫序死而思歸亭陵之雙鳧永去蘇武之一鴈
空飛昔江陵之中否乃金陵之禍始雖借人之
外力實蕭牆之內起撥亂之主忽焉中興之宗

不祀伯兮叔兮同見戮於猶子荆山鵲飛而至
 碎隨岸蛇生而珠死鬼火亂於平林殤魂驚於
 新市梁故豐徒楚實秦亡不有所廢其何以昌
 有媯之後遂育于姜輸我神器居為讓王天地
 之大德曰生聖人之大寶曰位用無賴之子孫
 舉江東而全棄惜天下之一家遭東南之反氣
 以鷄首而賜秦天何為而此醉且夫天道回旋
 民生賴焉余烈祖於西晉始流播於東川洎余
 身而七葉又遭時而此遷提切于老幼關河累年
 死生契闊不可問天况復零落將盡靈光巋然
 日窮于紀歲將復始逼切危慮端憂暮齒踐長
 樂之神皇望宣平之貴里渭水貫於天文驪山
 回於地市幕府大將軍之愛客丞相平津侯之
 待士見鐘鼎於金張聞絃誦於許史豈知霸陵
 夜獵猶是故時將軍咸陽布衣非獨思歸王子
 大魚初以疾去職卒隋文帝深悼之贈本官加
 荆淮二州刺史子立嗣

史臣曰兩儀定位日月揚暉天文彰矣八卦以

陳書紀公有作人文詳矣若乃墳素所紀莫得而
云典墓以隆遺風可述是以曲阜多才多藝鑿
二代以正其本闕里性與天道修六經以維其
末故能範圖天地綱紀人倫窮神知化稱首於
千古經邦緯俗藏用於百代至矣哉斯固聖人
之述作也逮乎兩周道喪七十義乖淹中稷下八
儒三墨辯博之論蜂起漆園黍谷名法兵農宏放
之詞雲集雖雅誥奧義或未盡善考其所長蓋聖
達之原流也其後逐臣屈平作離騷以敘志宏才

豔發有惻隱之美宋玉南國詞人追逸轡而亞其
跡大儒荀況賦禮智以陳其情含章鬱起有諷
論之義賈生洛陽才子繼清景而奮其暉並陶
鑄性靈組織風雅詞賦之作實為其冠自是著
述滋繁體制匪一孝武之後雅尚斯文楊葩振
藻者如林而二馬王楊為之傑東京之朝茲道逾
扇咀徵含商者成市而班傅張蔡為之雄當塗
受命尤好虫豸篆金行勃興無替前烈曹王陳阮
負宏衍之思挺棟幹於鄧林潘陸張左擅侈麗

之才飾羽儀於鳳穴斯竝高視當世連衡孔門
雖時運推移質文屢變譬猶六代竝湊易俗之
用無爽九流競逐一致之理同歸歷選前英於
茲爲盛旣而中州版蕩戎狄交侵僭僞相屬士
民塗炭故文章黜焉其潛思於戰爭之間揮翰
於鋒鏑之下亦往往而間出矣若乃魯曾徽杜廣
徐光尹弼之疇知名於二趙宋諺封奕朱彤梁
謹之屬見重於燕秦然皆迫於倉卒牽於戰
爭竟奏符檄則粲然可觀體物緣情則寂寥
於世非其才有優劣時運然也至朔漠之地
爾夷俗胡義周之頌國都足稱宏麗區區河右
而學者埒於中原劉延明之銘酒泉可謂清典
子曰十室之邑必有忠信豈徒言哉洎乎有魏
定鼎荆沙朔南包河淮西吞關隴當時之士有許
謙崔宏崔浩高允高閭游雅等先後之間聲
實俱茂詞義典正有永嘉之遺烈焉及太和
之辰雖復崇尚文雅方駿竝路多乖往轍涉海
登山罕值良寶其後袁翻才稱澹雅常景思

標沉鬱彬彬焉蓋一時之俊秀也周氏創業運
 屬凌夷纂遺文於既喪聘奇士如弗及是以蘇
 亮蘇綽盧柔唐瑾元偉李昶之徒咸奮鱗翼
 自致青紫然綽建言務存質朴遂糠粃魏晉
 憲章虞夏雖屬詞有師古之美矯枉非適
 時之用故莫能常行焉既而革車電邁渚宮雲
 撤爾其荆衡杞梓東南竹箭備器用于廟堂者
 衆矣唯王褒庾信奇才秀出牢籠於一代是時

世宗雅詞雲采女滕趙二王雕章開發或筑木言虛

館有如布衣之交由是朝廷之人間閭之士莫
 不忘味於遺韻眩眩於末光猶丘陵之仰嵩岱
 川流之宗溟渤也然則子山之文發源於宋末
 盛行於梁季其體以淫放為本其詞以輕險為
 宗故能誇目侈於紅紫蕩心逾於鄭衛昔揚子
 雲有言詩人之賦麗以則詞人之賦麗以淫若以
 庾氏方之斯又詞賦之罪人也原夫文章之作本
 乎情性覃思則變化無方形言則條流遂廣雖
 詩賦與奏議異軫銘誄與書論殊塗而撮其指要

舉其大抵莫若以氣為主以文傳意考其殿最定其區域據六經百氏之英華探屈宋卿雲之秘奧其調也尚遠其旨也在深其理也貴當其辭也欲巧然後瑩金璧播芝蘭文質因其宜繁約適其變權衡輕重斟酌古今和而能壯麗而能典煥乎若五色之成章紛乎猶八音之繁會夫然則魏文所謂通才足以備體矣士衡所謂難能足以逮意矣

列傳第三十三

周書四十二

列傳第三十四

周書四十二

蕭撝

令狐

德棻

等撰

蕭世怡

蕭圓肅

蕭大園

宗慄

劉璠

柳震

蕭繹字智遐蘭陵蘭陵人也梁武帝弟安成王秀
之子也性溫裕有儀表年十二入國學博觀經
史雅好屬文在梁封永豐縣侯邑一千戶初爲
給事中歷太子洗馬中舍人東魏遣李諧盧元
明使於梁梁武帝以撫辭令可觀令兼中書侍
郎受幣於賓館尋遷黃門侍郎出爲寧遠將軍
宋寧宋興二郡守轉輕車將軍巴西梓潼二郡
守及侯景作亂武陵王紀承制授撫使持節忠
武將軍又遷平北將軍散騎常侍領益州刺史
軍中紀稱尊號於成都除侍中中書令封秦
郡王邑三千戶給鼓吹一部紀率衆東下以撫爲
尚書令征西大將軍都督益梁秦潼安瀘青戎寧
華仁渠萬江新邑楚義十八州諸軍事益州刺
史守成都又令梁州刺史楊乾運守潼州太祖
知蜀兵寡弱遣大將軍尉遲迥摠衆討之及迥
入劔閣乾運以州降蜀中因是大駭無復抗拒之
志迥長驅至成都撫見兵不滿萬人而倉庫空
竭雷十無所資遂爲城守之計迥圍之五旬撫屢

遣其將出城挑戰多被殺傷外援雖至又爲迴
所破語在迴傳搗遂請降迴許之搗於是率文
武於益州城北共迴昇壇歃血立盟以城歸國魏
恭帝元年授侍中驃騎大將軍開府儀同三司
封歸善縣公邑一千戶孝閔帝踐祚進爵黃臺
郡公增邑一千戶武成中世宗令諸文儒於麟
趾殿抄定經史仍撰世譜搗亦預焉尋以母老
兼有疾疹五日番上便隔晨昏請在外著書有
詔許焉保定元年授禮部中大夫又以搗有歸
歛之功別賜食多陵縣五百戶收其租賦三年
出爲上州刺史爲政仁恕以禮讓爲本嘗至元
日獄中所有囚繫悉放歸家聽三日然後赴獄
主者固執不可搗曰昔王長虞延見稱前史吾
雖寡德竊懷景行導民以信方自此始以之獲
非彌所甘心幸勿慮也諸囚荷恩竝依限而至
吏民稱其惠化秩滿當還部民李深等三百餘
人上表乞更留兩載詔雖弗許甚嘉美之及搗
入朝屬置露門學高祖以搗與唐瑾元偉王

襄等四人俱爲文學博士。搗以母老表請歸養。私門曰：臣聞出忠入孝，理深人紀。昏定晨省，事切天經。伏惟陛下握鎮臨朝，垂衣御宇。孝治天下，仁覃草木。是以微臣冒陳，至願臣母。妾褚年過養禮，乞解今職，侍奉私庭。伏願天慈，特垂矜許。臣披歎歸朝，十有六載。恩深海岳，報淺涓塵。肆師掌禮，竟無稱職。浙隈督察，空妨能官。方辭違闕，庭屏迹問。里低徊係慕，戀棟兼深。高祖未許，詔曰：開府梁之宗英，今則任等三事。所謂楚雖有材，周實用之。方籍謀猷，匡朕不逮。然進思盡忠，退安侍養者，義在公私。兼濟豈容，全欲徇已。虧此至公，乖所望也。尋以母憂去職。天和六年，授少保。建德元年，轉少傅。後改封蔡陽郡公。增邑通前三千四百戶。二年卒。時年五十九。高祖舉哀於正武殿，賜穀麥三百石，布帛三百匹。贈使持節、大將軍、大都督、少傅、益新始信四州諸軍事、益州刺史。謚曰襄，搗善草隸，名亞於王褒。筭數醫方，咸亦留意。所著詩賦雜文，數萬言。

頗行于世子濟嗣濟字德成少仁厚頗好屬文
蕭紀承制授貞威將軍蜀郡太守遷東中郎將
從紀東下至巴東聞迥圍成都紀命濟率所部
赴援比至搗已降仍從搗入朝孝閔帝踐祚除
中外府記室參軍後至蒲陽郡守車騎大將軍
儀同三司

蕭世怡梁武帝弟鄱陽王恢之子也以名犯太
祖諱故稱字焉幼而聰慧頗涉經史梁大同元
年封豐城縣侯邑五百戶除給事中轉太子洗

馬尋入直殿省轉太子中舍人出為持節仁威

將軍譙州刺史及侯景為亂路由城下襲而陷
之世怡遂被執尋遁逃得免至于江陵梁元帝
承制授侍中及平侯景以世怡為兼太宰太常
卿與中衛長史樂子雲拜謁山陵承聖二年授
使持節平西將軍臨川內史既以陸納據湘川
道路擁塞改授平南將軍桂陽內史未至郡屬
于謹平江陵遂隨兄修仕郢州及修率即以世怡
為刺史湘州刺史王琳率舟師襲世怡世怡以州輸

琳時陳武帝執政徵爲佐中世怡疑而不就乃
奔于齊除車騎大將軍散騎常侍尋出爲永
州刺史保定四年晉公護東城大將軍權景宣略
地河南世怡聞豫州刺史王士良已降遂來歸欵
五年拜使持節驃騎大將軍開府儀同三司封
義興郡公邑一千二百一十戶天和二年授蔡州刺
史政存簡惠不尚苛察深爲吏民所安三年
卒於州贈本官加并洛永三州刺史子子寶
嗣子寶美風儀善談笑年未弱冠名重一
時隋文帝輔政引爲丞相府典籤深被識遇開
皇中官至吏部侍郎後坐事被誅

蕭圓肅字明恭梁武帝之孫武陵王紀之子也
風度淹雅敏而好學紀稱尊號封宜都郡王邑
二千戶除侍中寧遠將軍紀率兵下峽令蕭
撫守成都以圓肅爲之副及尉遲迥至圓肅與
撫俱降授驃騎大將軍開府儀同三司侍中封
安化縣公邑一千戶世宗初進封棘城郡公增邑
一千戶以圓肅有歸欵之勲別賜食思君縣五


百戶收其租賦保定二年除畿伯中大夫五年
拜咸陽郡守圓肅寬猛相濟甚有政績天和四
年遷陵州刺史尋詔令隨衛國公直鎮襄陽遂
不之部建德二年授太子少傅增邑九百戶圓
肅以任當師傅調護是職乃作少傅箴曰惟
王建國辨方正位左史記言右史書事莫不援
文太子爲皇之貳是以易稱明兩禮云上嗣東序
養德震方主器束髮就學宵雅更肄朝讀百
篇乙夜乃寐愛日惜力寸陰無棄視膳再飯
寢門三至小心翼翼大孝蒸蒸謀慮問對
疑丞安樂必敬無忘戰兢夫天道益謙人道
惡盈漢嗣不絕乎馳道魏儲回環於鄴城前史
攸載後世揚名三善旣備萬國以貞姬周長乂
實賴元良羸秦短祚誠由少陽雖卜年七百有
德過歷而昌數世萬一無德不及而亡敬之敬
之天惟顯思光副皇極永固洪基觀德審諭授
告職司太子見而悅之致書勞問六年授豐州刺
史增邑通前二千七百戶尋進位上開府儀同

大將軍宣政元年入為司宗中大夫俄授洛州
刺史大象末進位大將軍隋開皇初授貝州刺
史以母老請歸就養隋文帝許之四年卒時年
四十六有文集十卷又撰時人詩筆為文海四
十卷廣堪十卷淮海亂離志四卷行於世

蕭大圜字仁顯梁簡文帝之子也幼而聰敏神
情俊悟年四歲能誦三都賦及孝經論語七歲
居母喪便有成人之性梁大寶元年封樂梁郡
王邑二千戶除山巨惠將軍丹楊尹屬侯景肆害

簡文見弒大圜潛逃獲免明年景平大圜歸建

康時既喪亂之後無所依託乃寓居善覺佛寺
人有以告王僧辯者僧辯乃給船餼得往江陵梁
元帝見之甚悅賜以越衫胡帶等改封晉熙郡
王邑二千戶除寧遠將軍琅邪彭城二郡太守
時梁元帝既有克復之功而大圜兄汝南王大封
等猶未通謁梁元帝性既忌刻甚恨望之乃謂
大圜曰汝兩兄久不出汝可以意召之大圜即日
曉諭兩兄相繼出謁元帝乃安之大圜以世多故



恐讒愬生焉乃屏絕人事門客左右不過三兩
人不妄遊狎兄弟之間止賤疏而已恒以讀詩禮
書易爲事元帝嘗自問五經要事數十條大
圜辭約指明應荅無滯元帝甚歎美之因曰
昔河間好學爾既有之臨淄好文爾亦兼之然
有東平爲善彌高前載吾重之愛之爾當效
焉及于謹軍至元帝乃令大封充使請和大圜副
焉其實質也出至軍所信宿元帝降魏恭帝二

南王蕭大封晉興王 大圜等梁國子孫宜存

優禮式遺茅土寔允 羣大封可封晉陵縣公

大圜封始寧縣公邑各一千戶尋加大圜車騎
大將軍儀同三司并賜田宅奴婢牛馬粟帛等
俄而開麟趾殿招集學士大圜預焉梁武帝集
四十卷簡文集九十卷各止一本江陵平後竝
藏祕閣大圜旣入麟趾方得見之乃手寫二集
一年竝畢識者稱歎之大圜深信因果心安閑
放嘗言之曰拂衣褰裳無吞舟之漏網挂冠懸

節慮我志之未從儻獲展禽之免有美慈明之
進如蒙北叟之放實勝濟南之徵其故何哉夫
閭閻者有優遊之美朝廷者有簪佩之累蓋由
來久矣留侯追蹤於松子陶鑊成術於辛文良
有以焉況乎智不逸羣行不高物而欲辛苦一
生何其僻也豈如知足知止蕭然無累北山之
北棄絕人閒南山之南超踰世網面修原而帶
流水倚郊甸而枕平臯築蝸舍於叢林構環堵
於幽溥斤簷煙霧上暎晴風雲藉織草以蔭長
松結幽蘭而援芳柱仰翔禽於百仞俯泳鱗於
千澗果園在後開牕以臨花卉蔬圃居前坐簷
而看灌圃二頃以供饘粥十畝以給絲麻侍兒
五三可充絀織家僮數四足代耕耘沽酪牧羊
協潘生之志畜鷄種黍應莊叟之言獲菽尋汜
氏之書露葵徵尹君之錄烹羔豚而介春酒迎
伏臘而候歲時披良書採至頤歌纂纂唱烏烏
可以娛神可以散慮有朋自遠揚權古今田畯
相過劇談稼穡斯亦足矣樂不可支永保性

命何畏憂責豈若蹙足入絆申脰就羈遊帝王
之門趨宰衡之勢不知飄塵之少選寧覺年紀
之斯須萬物營營靡存其意天道昧昧安可問
哉嗟乎人生若浮雲朝露倏長繩繫量寔不
顧之執燭夜遊驚其迅邁百年何幾擊蹠曲
拳四時如流俛眉躡足出處無成語默奚當非
直立明所恥抑亦宣尼恥之建德四年除滕王
道友道嘗問大園曰吾聞湘東王作梁史有之
乎徐傳乃可仰揚帝紀矣若隱則非實記則漢
羊對曰言者之妄也如使有之亦不足怪昔漢
明爲世祖紀章帝爲顯宗紀殷鑒不遠足爲成
例且君子之過如日月之蝕彰於四海安得而
隱之如有不彰亦安得而不隱蓋子爲父隱直
在其中諱國之惡抑又禮也道乃大笑其後大軍
東討攻拔晉州或問大園曰齊遂尅不對曰高歡
昔以晉州肇基偽迹今本旣拔矣能無亡乎所謂
以此始者必以此終也居數日齊氏果滅聞者以
爲知言宣政元年增邑通前二千二百五十八隋開

皇初拜內史侍郎出為西河郡守尋卒大園性
好學務於著述撰梁舊事三十卷寓記三卷士
喪儀注五卷要決兩卷并文集二十卷六封位
至開府儀同三司大象末為陳州刺史

宗慄字元慄南陽涅陽人也八世祖承永嘉之
亂討陳敏有功封柴桑縣侯除宜都郡守卒於
官子孫因居江陵父高之梁山陰令慄少聰令好
讀書晝夜不倦語輒引古事鄉里呼為小兒學士

梁普通六年舉秀才以不及二宮元會列不對策
及梁元帝鎮荊州謂長史劉之遴曰貴鄉多士

為舉一有意少年之遴以慄應命即日引見令兼
記室嘗夕被召宿省使制龍川廟碑一夜便就詰
朝呈上梁元帝嘆美之及移鎮江州以慄為刑獄
參軍兼掌書記歷臨汝建成廣晉三縣令遭母
憂去職哭輒齧血兩旬之內絕而復蘇者三每
有羣鳥數千集于廬舍候哭而來哭止而去時
時論稱之以為孝感所致梁元帝重牧荊州以
慄為別駕江陵令及即帝位擢為尚書侍郎又

手詔曰昔扶柳開國止曰故人西鄉胙土本由賓
客況事涉動庸而無爵賞尚書侍郎宗慄亟有
帷幄之謀誠深股肱之寄從我于邁多歷歲時
可封信安縣侯邑一千戶累遷吏部郎中五兵尚
書吏部尚書初侯景平後梁元帝議還建業唯
慄勸都渚官以其鄉里在荊州故也及江陵平
與王褒等入關太祖以慄名重南土甚禮之孝
閔帝踐祚拜車騎大將軍儀同三司世宗即位又
中卒年六十四有集二十卷行於世

劉璠字寶義涇國涇人也六世祖敏以永嘉喪
亂徙居廣陵父臧性方正篤志好學居家以孝
聞梁天監初為著作郎璠九歲而孤居喪合禮
少好讀書兼善文筆年十七為土黃侯蕭曄所
器重范陽張綰梁之外戚才高口辯見推於世
以曄之懿貴亦假借之璠年少未仕而負才使
氣不為之屈綰嘗於新渝侯坐因酒後詬京兆
社騫曰寒士不遜璠厲色曰此坐誰非寒士璠

本意在綰而曄以為屬已辭色不平璠曰何三之
門不可曳長裾也遂拂衣而去曄辭謝之乃止
後隨曄在淮南璠母在建康遘疾璠弗之知嘗
忽一日舉身楚痛尋而家信至云其母病璠即
號泣戒道絕而又蘇當身痛之辰即母死之日
也居喪毀瘠遂感風氣服闋後一年猶杖而後起
及葬終於毗陵故吏多分散璠獨奉曄喪還都墳
成乃退梁簡文時在東宮遇曄素重諸不送者
皆被初主員准璠獨被優賞解褐王國常侍非其
好也璠少慷慨好功名志欲立事邊城不樂隨
牒平進會宜豐侯蕭循出為北徐州刺史即請
為其輕車府主簿兼記室參軍又領刑獄循為
梁州除信武府記室參軍領南鄭令又板為中
記室補華陽太守屬侯景度江梁室大亂循以
璠有才略甚親委之時寇難繁興未有所定璠
乃喟然賦詩以見志其末章曰隨會平王室夷
吾匡霸功虛薄無時用徒然慕昔風循開府置
佐史以璠為諮議參軍仍領記室梁元帝承制

授樹功將軍鎮西府諮議參軍賜書曰鄧禹文學尚或執戈葛洪書生且云破賊前修無遠屬望良深梁元帝尋又以循紹鄱陽之封且爲雍州刺史復以璠爲循平北府司馬及武陵王紀稱制於蜀以璠爲中書侍郎屢遣召璠使者八返乃至蜀又以爲黃門侍郎令長史劉孝勝深布心腹使工畫陳平度河歸漢圖以遺之璠苦求還中記室韋登私曰殿下忍而蓄憾足下不留將致大禍脫使盜遮於蔭明則卿殆矣孰若共構大厦使身名俱美哉璠正色曰卿欲緩頰於我邪我與府侯分義已定豈以寵辱夷險易其心乎丈夫立志當死生以之耳殿下方布大義於天下終不逞志於一人紀知必不爲已用乃厚其贈而遣之臨別紀又解其佩刀贈璠曰想見物思人就拜循爲益州刺史封隨郡王以璠爲循府長史加蜀郡太守遷至白馬西屬達奚武軍已至南鄭璠不得入城遂降於武太祖素聞其名先

誠武曰勿使劉琨死也故武先令璠赴闕璠至
太祖見之如舊謂僕射申徽曰劉璠佳士古人何
以過之徽曰昔晉主滅吳利在二陸明公今平梁
漢得一劉璠也時南鄭尚拒守未下達奚武請屠
之太祖將許焉唯令全璠一家而已璠乃請之於
朝太祖怒而不許璠泣而固請移時不退柳仲禮
侍側曰此烈士也太祖曰事人當如此遂許之城
竟獲全璠之力也太祖既納蕭循之降又許其反
國循至長安累月未之遣也璠因侍宴太祖曰我於
古誰比對曰以公命世英主而武莫逮今日
所見曾齊桓晉文之不若太祖曰我不得比湯武
望與伊周爲匹何桓文之不若乎對曰齊桓存三
亡國晉文不失信於伐原語未終太祖撫掌曰
我解爾意欲激我耳於是即命遣循循請與璠
俱還太祖不許以璠爲中外府記室尋遷黃門
侍郎儀同三司嘗卧疾居家對雪興感乃作雪
賦以遂志云其詞曰天地否閉凝而成雪應乎
玄冬之辰在於浮寒之節蒼雲暮同嚴風曉

別散亂徘徊雲霧皎潔違朝陽之暄煦就陵陰
之慘冽若乃雪山峙於流沙之右雪宮建於碣
石之東混二儀而竝色覆萬有而皆空埋沒河
山之上籠罩寰宇之中日馭潛於濛汜地險失
於華嵩既奪朱而成素實矯異而爲同始飄
飄而稍落遂紛糅而無窮縈回兮瑣散曷皓兮
溟濛綏綏兮颯颯灑灑兮颯颯因高兮累仞藉
少兮成豐曉分光而映淨夜合影而通朧似北

荒之明月若西崑之闕風爾乃馬集異巨

所適遇物淪形觸途湮跡何淨穢之可分豈高
卑之能擇體不常消質無定白深谷夏凝小山
春積偶仙宮而爲絳值河濱而成赤廣則彌綸
而交四海小則淅瀝而緣閭隙淺則不過二寸大
則平地一尺乃爲五穀之精寔長衆川之魄大壑
所以朝宗洪波資其消釋家有趙王之壁人聚
漢帝之金旣藏牛而沒馬又冰木而凋林已墮
白登之指實愴黃竹之心楚客埋魂於樹裏漢
使遷飢於海陰斃雲中之狡獸落海上之敬馬禽

庚辰有七尺之厚甲子有一丈之深無復垂雲
與雲合唯有變白作泥沉本為白雪唱翻作白
頭吟吟曰昔從天山來忽與狂風閱朔河陰而
散漫望衡陽而委絕朝朝自消盡夜夜空凝結
徒云雪之可賦竟何賦之能雪初蕭循在漢中
與蕭紀牋及荅國家書移襄陽文皆璠之辭也
世宗初授內史中大夫掌綸誥尋封平陽縣子
邑九百戶在職清白簡亮不合於時左遷同知

鄧守藩善於無御位職未嘗生寇降附者五百
餘家前後郡守經營以致其產唯璠秋毫無

所取妻子並隨羌俗食麥衣皮始終不改洮陽洪

和二郡羗民越境詣璠訟理焉其德化為他

界所歸仰如此公廣時鎮隴右嘉璠善政及遷

鎮陝州欲取璠目隨羗人樂從者七百人聞者莫

不歎異陳公純作鎮隴右引為總管府司錄甚禮

敬之天和三卒時年五十九著梁典三十卷有

集二十卷行公世子祥嗣祥字休徵幼而聰慧占

對後辯賓客九者皆號神童事嫡母以至孝聞其

伯父黃門郎璆有名江左在嶺南聞而奇之乃
令名祥字休徵後以字行於世年十歲能屬文
十二通五經紹所褐梁宜豐侯主簿遷記室參軍
江陵平隨列入國國齊公憲以其善於詞令召為記
室府中書記皆令掌之尋授都督封漢安縣子
食邑七百戶轉從事中郎憲進爵為王以休徵
為王友俄除內史上士高祖東征休徵陪侍帷幄
平齊覆帑即休徵之文也累遷車騎大將軍儀
司大將軍尋以去官領萬年公未其月轉儀司
令頻年二縣頗獲時譽天象二十卒於官時年
四十七初璆所撰梁興始就未啟刊定卒臨終
謂休徵曰能成我志其此書乎休徵治定繕寫
勒成一家行於世

柳霞字子昇河東解人也曾祖卓晉汝南太守
始自本郡徙居襄陽祖叔珍宋負外散騎常侍
義陽內史父季遠梁臨川王諮議參軍宜都太
守霞幼而爽邁神彩嶷然髫歲便有成人之量
為好文學動合規矩其世父慶遠特器異之謂

震曰吾昔逮事伯父公尉公嘗語吾云我昨夢
汝登一樓樓甚峻麗吾以坐席與汝汝後名官必
達恨吾不及見耳吾曰聊復書寢又夢將昔時
座席還以賜汝汝之高巨位當復及吾特宜勉勵
以應嘉祥也梁丘昌之深藻鎮雍州震時年十
二以民禮脩謁風儀端肅進止詳雅深藻美之
試遣左右踐震衣欲觀其舉措震徐步稍前
曾不顧眄廬陵王為雍王刺史辟震為主簿

起家平西郎陵王

府法曹參軍乃轉外兵餘

尚書工部郎謝舉時為僕射引霞與語甚嘉嘉之
顧謂人曰江漢英靈見於此矣岳陽王肅嘗莅雍
州選為治中尋遷別駕及誓於襄陽承制授霞
吏部郎負外散騎常侍俄遷車騎大將軍儀同
三司大都督賜爵聞喜縣公尋進位持節侍中
驃騎大將軍開府儀同三司及蕭詧踐帝位於
江陵以襄陽歸于我霞乃辭答曰陛下中興鼎
運龍飛舊楚臣昔因幸會早奉名節理當以身
許國期之始終自晉氏南遷臣宗族蓋寡從祖

太尉世父儀同從父司空竝以位望隆重遂家于金陵唯留先臣獨守墳柏常誠臣等使不違此志今襄陽既入北朝臣若陪隨躡蹕進則無益塵露退則有虧先旨伏願曲垂鑒照亮臣此心登重違其志遂許之因留鄉里以經籍自娛太祖世宗頻有徵命霞固辭以疾及歿嘉祖霞舉哀行舊君之服保定中又徵之霞始入朝授使持節驃騎大將軍開府儀同三司霍州諸軍事霍州刺史霞導

天務先以庶再三不用命者乃徵加殺異示之

恥而已其下感而化之不復為過咸曰我君仁惠如此其可欺乎夫和中華時年七十二宣政初贈賸安二州刺史霞有志行初為州主簿其父卒於揚州霞自襄陽奔赴六日而至哀感行路毀瘁殆不可識後奉喪泝江西歸中流風起舟中之人相顧失色霞抱棺號慟懇天求哀俄頃之間風止浪息其母嘗乳而發疽醫云此病無可救之理唯得人吮膿或望微止其痛霞應聲即吮旬日遂瘳咸以為孝感所致性又溫裕略無

喜愠之容弘獎名教未常論人之短尤好施與
家無餘財臨終遺誠薄葬其子等竝奉行有
十子靖莊最知名靖字思休少方雅博覽墳籍
梁大同末釋褐武陵王國右常侍轉法曹行參
軍大定初除尚書度支郎遷正員郎隨霞入朝
授大都督歷河南德廣二郡守靖雅達政事所
居皆有治術吏民畏而愛之然性愛閑素其於
名利澹如也及秩滿還便有終焉之志隋文帝
徵丞持詔徵之靖遂以疾固辭優游不仕明

自守所對唯琴書而已足不歷國庭殆將十載子

弟等奉之若 取君焉其有過者靖必下帷自責於

是長幼相率 拜謝於庭 然後見之勗以禮法鄉

里亦慕而化 之或有不善 者皆曰唯恐柳德廣知

也時論方之 王烈前後 管到官皆親至靖家問

疾遂以為故 事秦王俊 臨州賚以几杖并致衣物

靖唯受几杖 餘竝固辭 其為當時所重如此開皇

中以壽終 莊字思敬 器量貞固有經世之才初仕

梁歷中書舍 人尚書右 丞給事黃門侍郎尚書吏

部郎中鴻臚太府卿入隋位至開府儀同三司
給事黃門侍郎饒州刺史

史臣曰蕭撫世怡圖肅大園竝有梁之令望也
雖羈旅異國而終亨榮名非有茲基夙懷文質
亦何能至於此乎方武陵擁衆東下任撫以蕭
何之事君臣之道既篤家國之情亦隆舍若不足
比其心河山不足盟其誓及魏安之至城下旬日
而智力俱竭委金湯而不守舉庸蜀而來若若

乃見幾而作城有之矣守節沒齒則未可焉示
慄幹局才辭冕稱於梁元之世遠乎倂因楚魚

播越秦中屬太祖思治之辰遇世宗好士之日
在朝不預政事就列纒忝戎章豈懷道圖全優
遊卒歲將用與不用由滯當年乎梁氏據有江
東五十餘載挾策紀事勒成不朽者非一家焉
劉璠學思通博有著述之譽雖傳疑傳信頗
有詳略而屬辭比事足爲清典蓋近代之佳史
歟柳霞立身之道進退有節觀其眷戀墳隴其
孝可移於朝廷盡禮舊主其忠可事於新君夫

能推此類以求賢則知人幾於易矣

列傳第三十四

周書四十二

列傳第二十五

周書四十三

令

德

等

李延孫

韋祐

龔雄

原

玄

李延孫伊川人也祖伯六通不和宋從征懸賞
有功為汝南郡守又為三州刺史家有武藝少與

三十三

周書列傳三十四

三十三

嘗會諸詔屢相... 當中朝議恐
三為亂乃以長壽... 都督... 以意
三長壽... 亦盡其智亦防焉
一... 伊川左右寇盜... 未安之後盜賊
擊走長壽乃召集... 徒侶曰... 藉其力
田因而撫之乃授持節大都督... 張白塢後
... 河北郡守轉河內郡守所歷之處咸以猛烈
... 討捕諸賊頗有功授衛大將軍北華州刺史
... 及魏... 武西... 義士

東魏遣行臺侯景率兵攻之長壽... 少城陷... 遂
遇害大統元年追贈太尉侯景持節... 驃騎大
將軍其定等十二州諸軍... 定州刺史延孫亦
雄武有將帥才略少從長壽... 征討以勇教聞初
為... 將軍... 延孫... 為都
督... 臨... 有... 長壽... 延孫乃
還收... 之... 西... 後朝士... 流
... 三... 三... 之... 安昌

三子均及建寧... 延孫既荷重委每以刻清伊洛為己任類以少
孫京南行臺部度河南諸軍事廣州刺史尋進
軍騎大將軍假同三司大都督賜爵華山郡公
陣斬其揚州刺史善言於長安軍更振及授延
等數道攻之延孫獎勵所部出戰遂大破之臨
元咸遠關守齊神武深心之遣行臺慕容紹宗
等數道攻之延孫獎勵所部出戰遂大破之臨

後贈司馬二冀定等六州刺史子人傑有祖父

風官至開六府儀同三司和州刺史改封潁川郡

公延孫弟義孫亦官開七州儀同三司

韋祐字法保京兆山北人也少以字行於世世

為州郡著姓祖駢雍州王宣舉秀才拜中書傳

士父義前將軍上洛郡守魏大統時以法保著

勳追贈秦州刺史法保少好遊俠而質直少言

所與交遊皆輕狷亡命人有急難投之者多保

存之雖屢被追捕終不改其操父沒年三兄以

老敬隱居本一其壽之為人亦與長壽文因高居
關南正光末四方雲擾王公避難者或依之多
得金濟以此高貴遂所德乃拜其外散騎侍郎
加輕車將軍及魏孝武西遷法保從山南赴行
在所除右將軍太中大夫封固安縣男邑二百
戶及長壽被害其子延孫收長壽餘眾守無東
境明走北庭然其少不能自固乃除法保東洛
州刺史配兵數百人以援延孫法保至潼關
也法保曰古人稱不入獸穴不得獸子安危之

事未可預量縱為國殞身亦非所恨遂倍道兼
行東魏陝州刺史劉貴以步騎千餘邀之法保
命所部為圓陣且戰且前數日得與延孫兵接
乃并勢置柵於穴流木築大柵法保與延孫
率眾還朝貴勞甚厚仍授法保大都督四年除
河南尹及延孫被害法保乃率所部據延孫舊
柵頻與敵人交兵每身先士卒一軍為陷陣是以
戰必被傷嘗三關南與東魏人戰元矢中頸從

口中出當時氣絕三三營久之乃蘇九年將軍
騎大將軍儀同三司鎮九曲城及儀景以豫州
來附法保率兵赴景景欲留之儀保其有貳
心乃固辭還所鎮十五年加驃騎大將軍開府
儀同三司尋進爵為公會東魏遣軍送糧饋宜
陽法保潛逸之轉戰數十里兵少不敵為流矢
所中卒於陣謚曰莊子初嗣建德末位至開府
儀同大將軍閻韓防主

儀景字大業河南東垣人也祖景魏末文莊為

赫陽郡守少敢勇膂力絕人人工騎射有將率

材略及魏孝武西遷雄便慷慨有立功之志大
統初遂與其屬六十餘人於洛西舉兵數日間
衆至千人與河南行臺楊琚共為犄角每抄掠
東魏所向剋獲徒衆日盛州縣不能禦之東魏
洛州刺史韓賢以狀聞鄴乃遣其軍司慕容
紹宗率兵與賢合勢討雄戰數十合雄兵略
盡兄及妻子皆為賢所獲將以為戮乃遣人
告雄曰若雄至皆免之雄與其所親謀曰奮不

顧身以立功名者本望上申忠義下榮親戚今
若忍而不赴人謂我何既免之後更思其計未
為晚也於是遂詣賢軍即隨賢還洛乃潛引賢
黨謀欲襲之事泄遁免時太祖在弘農雄至上
謁太祖嘉之封武陽縣侯邑八百戶遣雄還鄉
里更圖進取雄乃招集義眾進逼洛州東魏
洛州刺史元湛委州奔河陽其長史孟彥舉城
款附俄而領軍獨孤信大軍繼至雄遂從信入
洛陽時東魏將侯景等圍蓼塢雄擊走之又從

太祖戰於河橋軍還仍鎮洛西拜假平東將軍

東郡守遷北中郎將邗山之役太祖命雄率眾
邀齊神武於隘道神武怒命三軍并力取雄雄
突圍得免除東徐州刺史太祖以雄劬勞積年
乃徵入朝屢加賞勞復遣還州東魏東雍州刺
史郭叔略與雄接境頗為邊患雄密圖之乃輕
將十騎夜入其境伏於道側遣都督韓仕於略
城東服東魏人衣服詐若自河陽叛投關西者
略出馳之雄自後射之再發箴中遂斬略首除

河南尹進爵為公加車騎大將軍儀同三司大
都督散騎常侍尋進驃騎大將軍開府儀同三
司侍中河南邑中正孝閔帝踐祚進爵新義郡
公增邑通前三千八百戶賜姓宇文氏世宗二
年除使持節都督中徐虞洛四州諸軍事中州
刺史雄久在邊具知敵人虛實每率衆深入不
避艱難前後經四十五戰雖時有勝負而雄
志氣益壯東魏深憚之天和三年卒于鎮贈

大將軍中華宣義和五州諸軍事中州刺史

諡曰威子龔

陳忻字永怡宜陽人也少驍勇有氣俠姿貌魁
岸同類咸敬憚之魏孝武西遷之後忻乃於辟
惡山招集勇敢少年數十人寇掠東魏仍密遣
使歸附大統元年授持節伏波將軍羽林監立
義大都督賜爵霸城縣男二年太祖復弘農
東魏揚州刺史段琛拔城遁走忻率義徒於
九曲道邀之殺傷甚衆擒其新安令張祗太祖
嘉其忠款使行新安縣事及獨孤信入洛忻舉

李延孫為前鋒仍從信守金墉城及河橋戰不利隨軍西還復行新安縣事東魏遣士人牛道恒為揚州刺史忻率兵擊破之進爵為子常陸嗜東諸將鎮遏伊洛間每有功效九年與李遠迎高仲密仍從戰邙山及大軍西還復與韓雄等依山合勢破東魏三城斬其金門郡守方臺洛增邑六百戶尋行宜陽郡事東魏復遣劉盆生為金門郡守忻又斬之除鎮遠將軍魏郡守俄授使持節平東將軍顯州刺史太祖以忻威著敵境仍留靜邊弗令之任十年侯景築九曲城忻率眾邀之擒其宜陽郡守趙嵩金門郡守樂敬賓十二年從李遠平九曲城授帥都督東魏將尔朱渾頤率精騎三千來向宜陽忻與諸將輕兵邀之願遂退走十九年除宜陽郡守加大都督撫軍將軍十六年進車騎大將軍儀同三司散騎常侍與齊將東方老戰於石泉破之俘獲甚眾時東魏每歲遣兵送米饋宜陽忻輒與諸軍邀擊之每多剋獲魏恭帝元年又與開

府斛斯璉等共濟將段孝先戰于九曲大破
之二年進位驃騎大將軍開府儀同三司加
侍中其年授宜陽邑大中正賜姓尉遲氏太祖
以忻著績累載贈其祖昆及父興孫俱為儀同
三司昆齊州刺史興孫徐州刺史東魏洛州刺
史獨孤永業號有智謀往來境上倚伏難測忻
與韓雄等恒令間謀規其動靜齊兵每至輒
擊破之故永業深憚忻等不敢為寇孝閔帝
踐作徵所入朝進爵為伯壽人進爵許昌縣公

增邑一千戶武成元年除熊州刺史增邑通月二
千六百戶又與開府救勤慶破齊將王鸞嵩高仍
從柱國陸通復石泉城天和元年卒於位忻與
韓雄里閭姻婭少相親昵俱總兵境上三十餘
載每有禦持二人相視常若引響言欲得數討勅
敵而常保功名雖立有武力至於挽彊射中忻
不如雄敵射施惠得士衆心則雄不如忻身死
之日將吏荷其恩德莫不感傷焉子高敵嗣朝
廷以忻雅得士心還令高敵領三郡曲

魏玄三曾習任城人也六世祖休仕晉為魯郡守
永嘉遷家居江左父承祖魏晉時守自東歸
魏家以功安玄少慷慨有膽略晉泰中除奉朝
請類與梁人交戰永安初以功授征虜將
軍中散大夫及魏之武西遷京魏北徙人情離
動各懷去就玄遂還秦鄉曲立義於關南即從
韋志保與東魏司徒高歡曹戰於關口及獨孤
信入洛陽隸行臺楊昱以馬渚復與高歡曹接

功邨山之役十一車不之且陽洛州皆為東

峻東立義者感懷異望而玄母及弟血在宜
玄以為忠孝不兩立乃率義徒還關南鎮撫大
祖手書勞之除洛陽令封廣宗縣子邑四百
十三年與開府李義孫攻拔伏流城又剋孔城
即與義孫鎮之尋移鎮伏流十四年授帥都督
東平郡守轉河東郡守加大都督十六年洛安
民雍方雋據郡玄率兵討之擒一千二百人
破郡縣囚執之

以二萬二千之魏恭帝二年拜車騎大將軍儀
 同三司三監帝踐祚遣書為伯增三監前九百
 戶保定元年移鎮靈谷四年進位驍騎大將軍
 開府儀同三司從鎮關寧仍從尉遲迥圍洛陽
 天和元年陝州總管尉遲綱遣玄率儀同守文
 能趙乾等步騎五百於鹿盧交南邀擊東魏洛
 州刺史獨孤永業永業有眾二萬餘人玄輕將
 五騎行前覘之卒與之遇便即交戰殺傷數十人
 獲馬千匹稍等永業家之良二年進爵為侯余白
 超防主三年遷能州刺史政存簡惠百姓悅之
 四年轉和州刺史伏流防主進爵為公五年齊將
 斛律明月率眾向宣陽兵威甚盛玄率兵禦之
 每戰輒剋後以疾卒於位

史臣曰二國爭疆四郊多壘鎮守要害義屬武
 臣李延孫等以勇略之姿受扞城之寄灌瓜贈
 藥雖有愧於昔賢御侮折衝足方駕於前列用
 能觀兵伊洛保據嶺函齊人沮西略之謀周朝
 緩東顧之慮比數將之力也

唐書卷九十九

百一十四

七

列傳第三十五

周書四十三

列傳第三十五

周書四十四

巢公

令狐

德恭

陽

湯

法

陽

席

任

衆企字思道，洛陽人也。世雄，曾祖景言，魏建節將軍，宣懷，宣陽郡守，出襲本縣令，封丹水侯。父安志，復為建節將軍，宣陽郡守，領本縣令，降爵百，伯企九歲喪父，哀毀類於成人。襲爵，年十二，鄉人皇平、陳合等三百餘人詣州，請企為縣令。州為申，上時吏部尚書郭祚以企年少未，遣宰民，請別選。遣終此，限令企代之。魏宣武帝詔曰：企向成，立且為本鄉所樂，何為舍此？廿襲，更求一限，家衣所請，企雖重勿。表請殷勤，詔許。起復本任，加討寇將軍，孝昌初，又加龍驤將軍，假節防洛州，別將尋除上洛郡守及蒲關，實反，遣其黨郭子恢襲據潼關，企率鄉兵三千人拒之，連戰數日，子弟死者二十許人，遂大破之，恢以功拜征虜將軍，實又遣兵萬人趣青泥，誘劫巴人圖取上洛，上洛高家族泉杜二姓密應之，企與刺史董紹宗等共掩襲之，姓散走，實責實亦遠還，在將宣州刺史別封。

表請殷勤，詔許。起復本任，加討寇將軍，孝昌初，又加龍驤將軍，假節防洛州，別將尋除上洛郡守及蒲關，實反，遣其黨郭子恢襲據潼關，企率鄉兵三千人拒之，連戰數日，子弟死者二十許人，遂大破之，恢以功拜征虜將軍，實又遣兵萬人趣青泥，誘劫巴人圖取上洛，上洛高家族泉杜二姓密應之，企與刺史董紹宗等共掩襲之，姓散走，實責實亦遠還，在將宣州刺史別封。

表請殷勤，詔許。起復本任，加討寇將軍，孝昌初，又加龍驤將軍，假節防洛州，別將尋除上洛郡守及蒲關，實反，遣其黨郭子恢襲據潼關，企率鄉兵三千人拒之，連戰數日，子弟死者二十許人，遂大破之，恢以功拜征虜將軍，實又遣兵萬人趣青泥，誘劫巴人圖取上洛，上洛高家族泉杜二姓密應之，企與刺史董紹宗等共掩襲之，姓散走，實責實亦遠還，在將宣州刺史別封。

涇陽縣伯言五百二六安中梁將三玄真之寇荆
州加企持節都督率衆援之遇玄真於順陽與
戰大破之除撫軍將軍使持節假鎮南將軍東
雍州刺史進討爲侯部民楊羊皮太保椿之從
弟恃託椿勢侵言百姓守宰多被其凌侮皆
畏而不敢言企收而治之將加極法於是楊氏
慙懼宗族詣闕請恩自此豪右屏迹無敢犯
者性又清約織室不擾於民在州五年每於鄉
里運米以自給梁魏興郡與洛州接襄安清與
屬詔企爲行臺尚書以撫納之大行臺加

以企昔蒞東雍爲吏民所懷乃表企復爲刺
史詔許之蜀民張國雋聚黨剽劫州郡不能
制企命收而戮之闔境清肅魏孝武初加車
騎大將軍左光祿大夫及齊神武專政魏帝有
西顧之心欲委企以山南之事乃除洛州刺史
當州都督未幾帝西遷齊神武率衆至潼關
企遣其子元禮督鄉里五千人北出大谷以禦
之齊神武不敢進上洛人都督泉岳其弟猛略

與拒陽人杜窋等謀翻洛州以應東軍企知之
殺岳及猛略等傳首詣闕而窋亡投東魏錄前
後勳授車騎大將軍儀同三司大統初加開府
儀同三司兼尚書右僕射進爵上洛郡公增邑
通前千戶企志尚廉慎每除一官憂見顏色至
是頻讓魏帝手詔不許三年高敖曹率眾圍
逼州城杜窋為其鄉導企拒守旬餘矢盡援絕
城乃陷焉企謂敖曹曰泉企力屈志不服也及

企與秦波禽敖曹敗走遂執企而東以窋為刺史
企既發密誦子元禮仲平志願不

企長耳幸逢聖運位至台三入三

又尋前途夷險抑亦可知汝等主

功効且忠孝之道不可兩全宜各

隨元手但得汝等致力本朝吾

我在此言遠高臣節也爾其勉之

無所三聞者莫不憤歎其率以

志氣怒子馬頭開道謀有士

朝請本州別駕為東魏身於東

祿既隆年尚

業方疆堪立

為身計勿相

而餘恨不得以

心揮灑而談餘

郭元禮少有

之風稱禍奉

洛州大中

正身外散騎常侍東將軍
湘縣伯進征東將軍金紫光輝
得及洛州陷盡企俱被執而東
時杜密舉為刺史然巴人素輕
禮至與仲遵相見感父臨別之
託信宿之間遂率鄉人襲州城
朝延嘉之拜衛將軍車騎大將軍
史從太祖戰於沙苑為流矢所中

此詳立世傳十四為本戰

亂每從父兄征討以勇決聞高
令仲遵率五百人出戰以象真
城復與企力戰拒守矢盡以杖
矢中目不堪復戰及城陷企不
傷豈至於此企之東也仲遵以被
元禮新軍以功封皇伯公
東將軍之濠州刺史及元禮
導為洛州刺史仲遵之宿衛

都督

加景騎

於洛逃歸

而重泉及元

與家右結

傳首長安

襲洛州刺

平子貞嗣

史

攻洛州企

敵乃退入

之遂為流

口若二郎不

功不行後與

日一加授征

戰後復以

河海三

及為本州顏得直事官東魏元
密皇年或皇入附太祖宣官應之
于謹攻相各為侍導方或先於
相各既後復會大軍或於山
改鎮潁川以仲遵行刺州刺史
大都督俄進軍騎大將宣儀
史柳仲禮每為邊寇太祖令
開府楊忠討之梁隨郡守

趙烈之為侍
宣皇年或皇
三年三思政
三年三思政
三年加授
三司梁司州刺
史率鄉兵從
守不降志
守守

日勞師今若先取一信則相和可

諸君以為何如仲遵此
若乘和深入遂擒仲禮和之降不尚未可知如
仲禮未獲和為之援首尾受敵此危道也若
先攻和指麾可剋剋和而進便無反顧之憂忠
從之仲遵以計由已出乃率先登城遂擒和仍
從志擊仲禮又獲之進驃騎大將軍開府儀同
三司領本州六中正復為三荆二廣南雍平信江
隨二年浙等十三州諸軍事行刺州刺史尋

母憂請終喪制不許大將軍王雄在天津魏
與仲遵率所部兵從雄討平之遂於天津置南
洛州以仲遵為刺史仲遵留情無益自是安之
流民歸附者相繼而至初豐帥杜清和自齊巴
州刺史以州人附朝廷因其所以據授之仍讓京
梁州都督青和以仲遵差其無御請讓仲遵朝
議以山川非便荒之說 青和遂歸安原酋帥
背眾而負等舉兵共圍東白州復遣王雄討平
之汝巴州為南州

嬰子孟良在職貪婪民多叛仲遵以廉簡處之

羣蠻率服仲遵雖出自巴夷而有方雅之操歷
官之處皆以清白見稱朝廷又以其父臨危抗節
乃令襲爵上洛郡公舊封聽回授子魏恭帝初
徵拜左衛將軍尋出為都督金興等六州諸軍
事金州刺史武成初卒官時年四十五贈大將
軍華洛等三州刺史謚曰莊子昭嗣起家本縣
令入為左侍上保定中授帥都督累遷儀同
三司出為純州防主建德末位至開府儀同大

將軍

李遷哲字孝彥安康人也世為山南豪族仕於江左祖方達齊末為本州治中父元真仕梁歷東宮左衛率東梁衡二州刺史散騎常侍沱陽侯遷哲少修立有識度慷慨善謀畫起家文德主帥轉直閣將軍武賁中郎將及其父為衡州留遷哲本鄉監統部曲事時年二十撫馭羣下甚得其情大同二年除安康郡守三年加超武將軍太清二年移鎮魏興部督魏興上庸等八郡諸軍事龍襄部沱陽侯邑二千五百戶

四年遷持節信武將軍散騎常侍都督東梁洵興等七州諸軍事東梁州刺史及侯景篡竊逆諸王爭帝遷哲外禦邊寇自守而已大統十七年太祖遣達奚武王雄等略地山南遷哲率其所部拒戰軍敗遂降於武然猶意氣自若武乃執送京師太祖謂之曰何不早歸國家乃勞師旅今為俘虜不亦愧乎答曰世荷梁恩未有報効又不能死節實以此為愧且太祖深嘉

之即拜使持節車騎大將軍散騎常侍封沔陽
 縣伯邑千戶魏恭帝初直州人樂熾洋州人田
 越金州人黃國等連結為亂太祖遣鴈門公田
 弘出梁漢開府賀若敦起直谷熾聞官軍至乃
 燒絕棧道據守直谷敦與眾不得前太祖以遷哲
 信著山南乃令與敦同往經略熾等或降或獲
 尋並平蕩仍與賀若敦南出徇地遷哲先至
 巴州入其郭郭梁巴州刺史牟安民惶懼開門
 請降安民子宗敬等為豪徒邑成召喻不下
 遷哲攻而剋之斬獲九百餘人軍次鹿城城王

使請降遷哲謂其眾曰納降如受敵吾觀其使
 視瞻猶高得無詐也遂不許之梁人果於道左
 設伏以邀遷哲遷哲進擊破之遂屠其城虜獲
 千餘口自此巴濮之民降款相繼軍還太祖嘉
 之以所服紫袍玉帶及所乘馬以賜之并賜奴
 婢三十口加授侍中驃騎大將軍開府儀同三
 司除直州刺史即本州也仍給軍儀鼓節令與
 田弘同討信州魏恭帝三年正月軍次并州梁

并州刺史杜滿各望風送款進圍壘州剋之獲
刺史冉助國等遷哲每率驍勇為前鋒所有攻
戰無不身先士卒凡下十八州拓地三千餘里
時信州為蠻酋向五子王等所圍弘又遣遷哲
赴援比至信州已陷五子王等聞遷哲至狼狽
遁走遷哲入據白帝賀若敦等復至遂共追擊
五子王等破之及田弘旋軍太祖令遷哲留鎮
白帝更配兵千人馬二百匹信州先無倉儲
軍糧匱乏遷哲乃收葛根造粉兼米以給之

遷哲亦自取供食時有異膳即分賜兵士有疾
患者又親加醫藥以此軍中感之人思效命黔
陽蠻田烏度田都唐等每抄掠江中為百姓
患遷哲隨機出討殺獲甚多由是諸蠻畏威
各送糧餼又遣子弟入質者千有餘家遷哲乃
於白帝城外築城以處之并置四鎮以靜峽路
自此寇抄頗息軍糧贍給焉世宗初授靜督信
臨等七州諸軍事信州刺史時蠻酋蒲微為隣
州刺史舉兵反遷哲將討之諸將以途路阻遠

竝不欲行遷哲怒曰蒲微蕞爾之賊勢何能
爲擒獲之略已在吾度中矣諸君見此小寇
便有憚心後遇大敵將何以戰遂率兵七千人
進擊之拔其五城虜獲二千餘口二年進爵西
城縣公增邑通前二千五百戶武成元年朝于
京師世宗甚禮之賜甲第一區及莊田等保定
中授平州刺史天和二年進位大將軍四年詔
遷哲率今下等諸州兵鎮襄陽五年陳將章
招達攻逼江陵江陵亦主蕭歸告急於襄州衛公

直令遷哲往救焉遷哲口率

五所部守江陵外城

與陳將程文季交戰兵稍却遷哲乃親自陷陳
手殺數人會江陵總管陸騰山助之陳人乃退
陳人又因水汎長壕龍川軍期隄引水灌城城
守驚擾遷哲乃先塞北堤以止水又募驍勇出
擊之頗有斬獲衆心稍定俄而敵入郭內焚燒
民家遷哲自率騎出南門又令步兵自北門出
兩軍合勢首尾遠之陳人復敗多投水而死是
夜陳人又竊於城西堞以梯登者已數百人遷哲

天幸驍勇并之陳人復濱俄而大風暴起遷哲
素簡出兵擊其營陳人大亂殺傷甚眾陸騰復
破之於西隄陳人乃遁建德二年進爵安康郡公
三年卒於襄州時年六十四贈金州總管諡曰壯
武遷哲累世雄豪為鄉里所率服性復善修能
厚自奉養妾媵至有百數男六十九人錄漢
千餘里間第宅相次姬人之有子者分處其中
各有僮僕侍婢奢謂守時遷哲每鳴笳導從
往來其間縱酒是時蓋世平之樂子孫家自元吉

志其年名著披筵以密晉之長年敬仁先遷哲卒
第六子敬猷嗣還統父兵起家大都督建德六
年從譙王討稽胡有功進爵儀同大將軍遷哲
弟顯位至上儀同大將軍

楊乾運字玄邈儻城武人也為方隅一家族父
天興齊安康郡守乾運少雄武為鄉閭所信服
弱冠州辟三簿孝昌初除日威將軍奉朝請尋
為本州治中轉別駕除安康郡守大統初累州
民三京圓美要一不不南安一采將蘭敬率兵應

接之以是漢中遂陷乾運亦入梁梁大同元年
 除驍武將軍西平濱州刺史尋轉信武將軍秦州
 刺史太清末遷淮南梁三州刺史加鼓吹一部
 及遷吳武國南鄭武陵三
一記述乾運率兵援
 之為武所敗紀時已稱言
以乾運威服巴渝
 欲委方面之任乃拜平陽縣公三十二州諸軍事
 梁州刺史鎮潼州封萬春公三十四戶時紀
 與其兄湘東王暉爭帝遂連
兵不息乾運兄子
各統乾運曰自侯景亂江左
歸騰人皆代其

平生民離散理心同心勸力保一國守以不
 弟親身取敗之道也可謂於不不難世最難佐
 古人有言危邦不入亂邦不居又云見機而作不
 俟終日今若適彼樂土送款關中必當功名兩
 全歸唐於後乾運深然之乃令攻將二十人鎮
 蜀關又遣其婿樂廣鎮安州仍議略等曰王
 欲歸附關中但未有由耳若有使來即宜盡
 禮迎接會太祖令乾運與略等及使人牛伯友
 等三路即夜送乾運於今使人略等入關送

款大宅乃密賜乾運鐵券授使持節驃騎大將
軍開府儀同三司待中秦州刺史安原郡公及
尉遲迥令開府儀同三司待中秦州刺史安原郡公及
遷就樂廣謀欲割城恐其軍將任雲等不問先
執之然後出城見迥乃入據安州令廣略等
往報乾運乾運遂率迥迥因此進軍成都數旬
克之魏廢帝三年乾運至京師太祖嘉其忠款
禮遣隆渥尋卒於長安贈本官加百巴集三州
刺史尚書右僕射子端嗣朝廷以乾運歸附之

功即拜端泗州刺史車騎大將軍儀同三司

亦以歸附功拜車騎大將軍儀同三司頻從征
討建德末位至開府儀同大將軍封上庸縣伯
樂廣亦授車騎大將軍儀同三司安州刺史封
安康縣公邑一千戶

扶猛字宗略上甲黃土人也其種落號白獸蠻
世為渠率猛梁大同中以直後出為持節厲鋒
將軍青州刺史轉上庸新城二郡守南洛北司
二州刺史在州石渠縣男及侯景作亂猛乃擁眾

自守未有所從魏大統十七年大將軍王雄拓
定魏興猛率其眾據險為保時遣使徵通餉
饋而已魏廢帝元年魏興叛雄擊破之猛遂
以眾降太祖以其世據本鄉乃厚加撫納授車
騎大將軍儀同三司加散騎常侍復爵宕渠縣
男割一郡為劬羅州以猛為刺史令率所部千人
從開府智若敦南討信州敦令猛別道直趣
白帝所由之路人跡不通猛乃梯山捫葛備歷難
且雲深七八糧運不繼猛將大勦士卒兼夜而行

遂白帝城刺史向鎮侯列陣拒猛猛與戰

之乘勝而進遂入白帝城撫慰民夷莫不悅附
譙淹與官軍戰敗率舟師浮江東下欲歸於
梁猛與敦守邀擊破之語在敦傳師還以功進
開府儀同三司俄而信州蠻反猛復從賀若敦
討平之又率水軍破蠻帥文子榮於汶陽進爵
臨江縣公增邑一千戶武成中陳將侯瑱等逼湘
州天從賀若敦赴救除武州刺史後隨敦自拔
還復為羅州刺史保定三年轉終州刺史從衛

公直援陳將華皎時大軍不利唯猛所部獨全
天從田弘破漢南詔蠻前後十餘戰每有功進
位大將軍後以疾卒

陽雄字元略上洛邑陽人也世為豪族祖斌上
庸太守父猛魏正光中萬俟醜作亂關右朝
廷以猛商洛首望乃擢為襄威將軍大谷鎮將
帶胡城令以禦醜奴及元顯入洛魏孝莊帝度
河范陽王諤脫身投猛猛保藏之及孝莊反正
由是知名我而齊陵王恭為首疾復來歸猛
亦深相保護魏孝武即位甚嘉之授征虜

行河北郡守尋轉安西將軍華山郡守頻典
郡頗有聲績及孝武西遷猛率所領移鎮潼關
封郃陽縣伯邑七百戶俄而潼關不守猛於善渚
谷立柵收徒義徒授征東將軍揚州刺史大都
督武衛將軍仍鎮善渚大統三年為竇泰所
龍衣猛脫身得免太祖以衆寡不敵弗之責也仍
配兵千人守牛尾堡尋而太祖擒竇泰猛亦別
獲東魏弘農郡守淳于業後以疾卒贈華洛

備聞之矣若乃不與約誓不就攻伐來而禦之
去而守之夫然則敵有餘力我無寧歲將士疲
於奔命疆場苦其交侵欲使偃伯靈臺歐世仁
壽其可得乎是知秩宗之雅旨護軍之誠說寔
有會於當時而未允於後代也然則易稱見幾
而作傳云相時而動夫時者得失之所繫幾者
吉凶之所由況乎諸夏之朝治亂之運代有戎
狄之地疆弱之勢無恒若使臣畜之與羈縻和
親之與征伐因其時而制變觀其幾而立權則

揚三州刺史入雄起家奉朝請累遷至都督直後
明威將軍領射將軍從于謹攻盤豆柵復從李
遠經沙苑陣並力戰有功封安平縣侯邑八百
戶加冠軍將軍軍中散大夫賞賜甚厚後入洛陽
戰河橋解玉壁圍迎高仲密援侯景並預有
戰功前後增邑四百五十戶世襲衣邑陽郡守從
大將軍宇文虬攻剋上津遷通直散騎常侍大
都督進儀同三司陳將侯方兒潘純陀寇江陵
雄從呂岳擊走之除涇州刺史俗雜實逾
民多輕猾雄威惠相濟夷夏安之

榮竊據荊州之汶陽郡又侵略南郡之當陽
沮等數縣詔遣開府賀若敦潘招等討平之即
以其地置平州以雄為刺史進爵玉城縣公增
邑通前千六百戶加驃騎大將軍開府儀同三司
時寇亂之後戶多逃散雄在所慰撫民並安輯
徵為載師中大夫遷西寧州總管以疾不拜除
通洛防主雄處疆場務在保境息民接待敵
人必推誠仗信齊洛州刺史獨孤永業深相欽

尚移書稱美之入為京兆尹尋拜民部中大夫
進位大將軍俄轉中外府長史遷江陵總管四
州五防諸軍事改封魯陽縣公宣政元年卒於
鎮大象初追封魯陽郡公邑三千五百戶贈陳曹
苾亦四州刺史謚懷雄善附會能自謀身故
得任兼出內保全爵祿子長寬嗣官至儀同大
將軍

席固字子堅甘肅安定人也高祖衡因後秦之

亂寓居於襄陽仕晉為建威將軍遂為襄陽

著如也為齊與郡守屬侯景度江梁不室大亂固久

居郡職士多附之遂有親兵千餘人梁元帝嗣

位江陵遷興州刺史於是軍民慕從者有五千

餘八固遂欲自據州以觀時變後懼王即進

討公固內屬密謂其腹心曰今梁氏失政劫都

覆沒湘東不能復讎雪恥而骨肉相殘空文

丞相初啓霸基招准尚以禮吾欲決意歸之與

等共圖之固曰左右聞固言未有應者固更

論譏禍福諸人然後同之魏大統十五年以地來
附之時太祖方欲南取江陵西定蜀漢圍固之
至世禮遇之乃遣使就拜使持節驃騎大將
軍肅府儀同三司大都督侍中豐州刺史封新
豐縣公邑二千戶後轉湖州刺史固以未經朝
謁遂蒙榮授心不自安啓求入覲太祖許之及
固至去社與之歡醺賞賜甚厚進爵靜安郡
公增邑券前三千三百戶尋拜昌歸憲三州諸

軍事昌州刺史固 固家孝友為州里所稱
官之歲歲有聲績保中八年卒於州年六十一

一贈大將軍襄豐唐郢復五州刺史諡曰肅仍
勅襄豐縣其墓田子世雅嗣世雅字彥文性方
正少以孝聞初以固功授車騎大將軍儀同三
司除資城郡守累遷開府儀同三司順直三州
刺史大各承末位至大將軍世雅弟世英亦以固
功授儀同三司後至上開府儀同大將軍
世英字靜齋河南安人也世為方隅豪族仕於江
左祖安東梁益州別駕新巴郡守闔中伯父襄

魏驥將軍新巴南安廣漢三郡守沙州刺史新
巴縣公果性勇決志在立功魏廢帝元年率所
部來附太祖嘉其遠至待以優禮果因面陳取
蜀之策太祖深納之乃授使持節車騎大將軍
議同三司大都督散騎常侍沙州刺史南安縣
公邑二千戶及尉遲迴伐蜀果時在京師乃遣
其弟岱山及子悛從軍太祖以益州未下復令果
乘傳歸南安率鄉兵千人從迴征蜀尋進授

果字大季宜州府義興司馬開元紀唐趙道安言

等率衆三萬來援成都果從大軍擊破之及成
都平除始州刺史在任未久果請入朝太祖許之
以其方隅首望早立忠節乃進爵安樂郡公賜
以鐵券聽世相傳襲并賜路車四馬及儀衛等
以光寵之尋為刺客所害時年五十六

史臣曰古人稱仁義豈有常蹈之則為君子背
之則為小人信矣泉止長自山谷素無月旦之
譽而臨難慷慨有人臣之節豈非蹈仁義歟元
禮仲導聿導共志卒成功業庶乎克負荷矣

李遷哲楊乾運席固之徒屬方隅擾攘咸翻
然而委質遂直丁爵位以保終始觀遷哲之對太
祖有尚義之辭以乾運受任武陵乖事人之道若
乃校長短比優劣故不可同年而語矣陽雄任
兼文武聲著中外抑亦志能之士乎

列傳第三十六

五傳第三十七

周書四十五

令孤

德柔

等撰

儒林

盧誕

盧光

沈重

樊深

熊安

樂遜

自書契之興先哲可得而
若人其君德於列辟觀遺
堯舜之功顯於文武是以聖
人祖述其道垂文於
之是憲章其教作範於百王
自茲以降三微驟

遷五紀遞龍宮復益典術治亂殊塗秦承累世之
其在刑法而殄滅漢無尺土之業崇經術而長久
彫蟲是貴魏道所以凌夷之風既興魯網於焉
大壞而九流之殿最校四代之興衰正君臣明貴
賤夫教化移風俗尚於儉故皇王以之致刑措
而淳朴賢達以之鑄金而彫竹素儒之時
義大至哉自有魏道消海上以版蕩彝倫攸斃戍
馬生郊先王遺章往聖之遺訓掃地盡矣及
大且受命惟行來門人於三古得至聖人

千社

晉之帝度復如日之茂典三皇景宣

通

五禮之缺長孫紹遠才稱洽聞正樂

之壇

八朝章漸備學者向風世宗纂歷敦尚

學

有崇文之觀外重成均之職握素懷鉉

重

嶼之士間出於朝廷圓冠方領執經負

笈

笈之生著錄於京邑濟濟焉足以踰於向時矣

洎高祖保定二年乃下詔尊太傅燕公為三老帝

於是服袞冕乘碧輅陳文物備禮容清蹕而臨

太學袒割以食之奉觴以酌之斯固一世之盛事

其後命輔軒而致王帛微沈重於南荆乃定
不降至尊而勞萬乘待熊生以殊禮是以天
恭鄉文之教遠覃衣儒者之服挾先王之道
實舍延學徒者比肩勵從師之志守專門之
附親戚甘勤苦者成市雖遺風盛業不遠魏
辰而風移俗變抑亦近代之美也其儒者
別傳人終於隋之中年者則不兼錄自餘
此位云

書有名於世仕燕為給事黃門侍郎營兵

二郡守祖壽太子洗馬燕滅入魏為魯郡守
叔仁年十八州辟主簿舉秀才除自叙郎以親
老乃辭歸就養父母既歿哀毀六年躬營墳
遂有終焉之志魏景州中被徵入洛授威遠將
軍武賁中郎將非其好也尋除鎮遠將軍通直
散騎常侍並稱疾不朝乃出為幽州司馬又辭
歸鄉曰當時咸稱其高尚焉誕幼而通亮博學
有詞教郡縣功曹州舉秀才不行起家侍御史

累遷輔國將軍太中大夫幽州別駕為北豫州都督府長史時刺史高仲密以州歸朝朝廷遣大將軍李遠率軍赴援誕與之兵二千餘人奉候大軍以功授鎮東將軍金紫光祿大夫封固安縣伯已五百云尋加散騎侍郎拜給事黃門侍郎魏帝詔曰經師易求人師難得朕諸兒稍長欲令卿為師於是親幸晉王府勅曰王以下皆拜之於帝前因賜名曰誕加征東將軍散騎常侍太子又以誕為宗學府為當世所推乃拜國子祭酒進車騎大將軍儀同三司魏恭帝二年

秘書監後以疾卒

盧光字景之字伯范陽公辯之弟也性溫謹博覽羣書精於三禮善陰陽解鐘律又好玄言卒昌初釋褐司空左參軍事稍遷明威將軍員外侍郎及魏孝武西遷光於山東立義以遙授大都督晉州刺史安西將軍銀青光祿大夫大統六年携家西入太祖深禮之除丞相府記室參軍賜爵范陽縣伯俄拜行臺郎中專掌書記十

嘉祥九年補列
目錄卷之三

年改封安息縣伯邑五百戶遷行營右丞出為
華州長史尋徵拜將作大匠魏廢帝元年加車
騎大將軍儀同三司除京北郡守遷侍中六官
建授小匠師下大夫進授開府儀同三司匠師中
大夫進爵為侯增邑五百戶轉工部中大夫大司
馬賀蘭祥討吐谷渾以光為長史進爵燕郡公
武成二年詔光監營宗廟既成增邑四百戶出
為虞州刺史尋治陝州總管府長史重論討渾
之功增邑并前千九百戶天和二年卒

十二高社少時嘗受業於光故贈賜有加恒典

少傅諡曰簡光性崇佛道至誠信敬嘗從太祖
狩於檀臺山時獵圍既合太祖遙指山上謂羣公
等曰公等有所見不咸皆無所見光獨曰見一桑
門太祖曰是也即解圍而還令光於桑門立處造
浮圖掘基一丈得瓦鉢錫杖各一太祖稱歎因立
寺焉及為京北而郡舍先是數有妖怪前後郡
將無敢居者光曰吉凶由人妖不妄作遂入居之
未幾光所乘馬忽升廳事登牀南首而立又食

器無故自破光並不以介懷其情誠守正如此撰
道德經章句行於世子貴顯公家中開府儀同
大將軍

沈重字德厚吳興武康人也性聰悟有異常童
弱歲而孤居喪合禮及長專心儒學十從師不遠
千里遂博覽羣書尤明詩禮及左氏春秋梁
大通三年起家王國常侍梁武帝欲高置學官
以宗儒教中大通四年乃革選以重補國子助
教大同三年除五經博士梁元帝之在藩也十

歲重之及即位遣重書何武迎重西

平重乃留事梁蕭管以中書侍郎兼中書令

人累遷自外郎行郎廷尉卿領江陵令選

通直散騎常侍都官尚書領羽林監又令重

於合歡殿講周易德祖以重經明行脩迺遣宣

納之士柳元平至四入等之仍致

尚書沈重觀夫六經六君之

軌異代於定率曰莫不趨入

之靈致冬月朔燭三宗無

三之遂出疎我隨

運好大禮... 雖分蛇... 百無聞有周... 文物之將墜... 恭惟寶闕... 懼三千尚... 一文思杜... 卜寶復潤... 勞瞻... 念爰... 東帛之聘... 命翹車之招...

望鳳舉鴻翻俄而萃止明...

弗隊於微言中經罔闕於逸義近取無獨善之

譏遠應有兼濟之美可不盛歟昔申涪鮒背方

辭東國公孫黃髮始造西京遂使道為藝基功

參治本今者一徵諒兼其二若居形聲而去影響

尚迷邦而忘觀國非所謂也又勅襄州摠管衛

公直敦喻遣之在途供給務從優厚保定末重

至于京師詔令討論五經并校定鐘律天和中復

於紫極殿講三教義朝士儒生桑門道士至者二

千餘人重辭義優洽樞機明辯凡所解釋咸為諸儒所推六年授驃騎大將軍開府儀同三司露門博士仍於露門館為皇太子講論建德末重自以入朝既久且年過時制表請還梁高祖優詔答之曰開府漢南杞梓每軫虛衿江東竹箭亟疲延首故東帛聘申蒲輪徵伏加以梁朝舊齒結綬三世沐浴榮光祇承寵渥不忘戀本深足嘉尚而楚材晉用豈無先哲方事求賢義班來蕭重固請乃許焉遣小司門上士楊注送之

主蕭蕭歸拜重散騎常侍太常卿大象二年來京師開皇三年卒年八十四隋文帝遣舍人蕭子寶祭以少牢贈使持節上開府儀同三司許州刺史重學業該博為當世儒宗主於陰陽圖緯道經釋典靡不畢綜又多所撰述咸得其指要其行於世者周禮義三十卷儀禮義三十五卷禮記義三十卷毛詩義二十八卷喪服經義五卷周禮音一卷儀禮音一卷禮記音二卷毛詩音二卷

樊深字文深河東猗氏人也早喪母事繼母甚
謹弱冠好學負書從師於三河講書日五經晝夜
不倦魏永安中隨軍征討以功除朔方寇將軍累
遷伏波征虜將軍中散大夫嘗讀書見五丘子
遂歸侍養魏孝武西遷樊王三姓而卒義為東魏
所誅深父保周叔父也周並被害深不因避難墜
崖傷足絕食再宿於後遇得簞食所飲食之然
念繼母年老忠婢或免虜掠乃弗食夜中匍匐
尋母偶得相見因以饋母還復遁去改易姓名

學於汾晉之間習天文及筭曆之術後為
所告囚送河東屬魏將韓軌長文張曜重其儒
學延深至家因是更得逃隱太祖平河東贈保
周帝鄆州刺史又歎周德同三司深歸葬其父負
土成墳尋而深謹引為其府參軍令在館教授
子孫除撫軍將軍銀青光祿大夫遷開府屬轉從
事中郎謹拜司空以深為諮議大統十五年行
下邳縣事太祖置學東館教士將子弟以深為
博士深經學通曉每解書常及引世漢魏以來

諸家義而說之故後生聽其言不能曉悟皆

背而譏之曰樊生講書多口不可解然儒者

推其博物性好學老而不怠朝暮還往常據鞍

讀書至馬驚墜地損折支體終亦不改後除國

子博士賜姓萬紉于氏官建拜太學助教遷

博士加車騎大將軍儀同三司天和二年遷縣

伯中大夫加開府儀同三司建德元年表乞骸

骨詔許之朝廷有疑議者召問焉後以疾卒深

既專經又讀諸史及蒼雅篆籀陰陽卜筮之書

學雖博贍訥於經無故不為當時所稱撰考

經喪服問疑各一錄撰七經異同說三卷世義

論并月錄三十一卷並行於世

熊安生字植之長梁阜城人也少好學勵精

卷初從陳達受三傳又從房武受周禮並通六

義後事徐遵明服膺歷年京魏天平中受禮

於李寶真遂博通五經然專以三禮教授弟

子自遠方至者千餘人乃討論國經揭撫里閭

先儒所未悟者皆發明之流河清中陽休之特

奏為國子博士時朝廷既行周禮公卿以下多
習其業有宿疑積滯者數十條言其能詳辨
天和三年齊請通好兵部尹公正夜高與齊人
語及周禮齊人不能對乃令安生至賓館與公
正言公正有口辯安生語所不至者復撮機要而
驟問之安生曰禮義弘深自有條貫必欲曰升堂
親與寧可沮其先後但能留安生當為次第陳之
公正於是具問所疑安生皆為二演說咸心其
根本公正深所嗟服還具言之於高祖高祖大

遲之又高祖入鄴安生遽令掃門家人怪而
之安生曰周帝重道尊儒必將見我矣俄而
祖幸其第詔不聽拜親執其手引與同坐謂之
曰朕未能去兵以此為愧安生曰黃帝尚有夏
泉之戰況陛下龍興行天罰乎高祖又曰齊氏賦
役繁興竭民財力朕救林大拯溺思革其弊欲以
府庫及三臺雜物散之百姓公以為何如安生曰
昔武王克商散鹿臺之財發鉅橋之粟陛下此
詔異代同美高祖又曰朕何如武王安生曰武王伐

紂懸首白旗陛下平齊兵不血刃愚謂聖略爲
優高祖大悅賜帛三百匹米三百石宅一區并賜
象笏及九環金帶自餘什物稱是又詔所司給
安車駟馬隨駕入朝并勅所在供給至京初令
於大乘佛寺參議五禮宣政元年拜路門學博
士下大夫其時年已八十餘尋致仕卒於家安生
既學爲儒宗當時受其業擅名於後者有馬
榮伯張黑奴竇志宋孔籠劉焯劉炫等皆其
門人焉所撰周禮義疏二十卷禮記義疏四十

卷孝經義疏一卷並行於世

樂遜字遵賢河東猗氏人也年在幼童便有
人之操弱冠爲郡主簿魏正光中聞碩儒徐漢
明領徒趙魏乃就學孝經喪服論語詩書禮
易左氏春秋大義尋而山東寇亂學者散逸
遜於擾攘之中猶志道不倦永安中釋褐安西
府長流參軍大統七年除子都督九年太尉李
弼請遜教授諸子旣而太祖盛選賢良授以守令
相府戶曹柳敷行臺郎中盧光河東郡丞辛

粲相繼舉遜稱有牧民之才預言豈不遠十六
年加授建忠將軍左中郎將遷輔國將軍中散
大夫都督歷弼府西閣祭酒功曹諮議參軍魏
廢帝二年太祖召遜教授諸子在館六年與諸
儒分授經業遜講孝經論語毛詩及服虔所
注春秋左氏傳魏恭帝二年授太學助教孝閔
帝踐祚以遜有理務材除秋官府上士其年治
太學博士轉治小師氏下大夫自譙王儉以下並
束脩行弟子之禮遜以經術教授甚有訓導之

方及衛公直鎮蒲州以遜爲直府主簿加車騎
將軍左光祿大夫武成元年六月以霖雨經時詔
百官上封事遜陳時宜二十四條其五條切於政
要其一崇治方白竊惟今之在官者多求清身
克濟不至惠民愛物何者比來守令年期旣促
歲貴有成蓋謂猛濟爲賢未甚優養此政旣
代後者復然夫政之於民過急則刻薄傷緩則
弛慢是以周失舒緩秦敗急酷民非赤子當以
赤子遇之宜在舒緩得衷不使勞擾頃承魏

之衰政人習通違先王朝憲備行民咸識法但
 可宣風正俗納民軌訓而已自非軍旅之中何
 用過為迫切至於興邦致治事由德教漸以成
 之非在倉卒竊謂姬周盛德治興文武政穆
 成康自斯厥後不能無事昔申侯將奔楚子誨
 之曰無適小國言以政狹法峻將不汝容敬仲入
 齊稱曰幸若獲宥有及於寬政然關東諸州淪陷
 日义人在塗炭當慕息有若不布政優優聞
 諸境外將何以使彼勞民歸就樂土其二省造

作曰頃者魏都洛陽一時殷盛貴勢之家
 第宅車服器玩皆尚奢靡世逐浮競人
 豎使禍亂交興天下喪敗七來朝貢器服稍華
 百工造作務盡奇巧臣誠恐物逐好移有損政
 俗如此等事頗宜禁省記言無作淫巧以蕩上
 心傳稱宮室崇侈民力彫斲漢景公有云黃金珠
 玉饑不可食寒不可衣影文刻鏤傷農事者也
 錦繡簪飾組紵文綺者也三者為饑寒之本源
 至然國

周書列傳三十七

十三

皆從費之力損國害民不如廣勸農桑以衣食為
務使國儲豐積大功易舉其三明選舉曰選曹
嘗錄勳賢補擬官爵必宜與眾共之有明揚之
授使人得盡心如觀白日其材有升降其功有厚
薄祿秩所加無容不審即如州郡選置猶集鄉
閭沉天下選曹不取物

州郡自可內

除此外付曹銓者既非機事何足可密人生處
世以榮祿為重修身履行以寡身為名然逢時
既難失時為易其選置之曰宜大不眾心明白然

後呈奏使功勤見知品物稱松其四重戰伐曰

魏祚告終天睽在德而高洋稱僭先迷未敗擁
逼山東事切肘腋譬猶棊劫相持爭行先後若
一行非當或成彼利誠應捨小營大先保封域
不宜貪利在邊輕為興動捷則勞兵分守敗則
所損已多國家雖疆洋不受弱詩云德則不競何
憚於病唯德可以庇民非恃疆也夫力均勢敵則
進德者勝君子道長則小人道消故昔之善戰
者先為不可勝以待敵之可勝彼行暴戾我則

寬仁彼爲刻薄我必惠化使德心澤滂流久思有道然後觀釁而作可以集事廿六五禁奢侈曰按禮人有貴賤物有等差使用之有節品類之有度馬后爲天下母而身服大練所以率下也季孫相二君矣家無衣帛之妾所以勵俗也比來富室之家爲意稍廣無不資裝婢隸作車後容儀服飾華美眩曜街衢仍估以行者輟足路人傾蓋論其輸力公家未若介由之士然其坐受優賞自喻攻戰之人縱令不惜功費豈不有虧

厥德必有儲若田之餘孰與務恤

軍士魚食壯

云衣食所安不敢愛也必以分人詩言山豈曰無之與子同袍皆所以取人力也又陳事上議之徒亦應不少當有上徹天聽者未聞是非陛下雖念存物議欲盡天下之情而天下之情猶爲未盡何者取人受言貴在顯用若納而不顯是而不_用則言之者或寡矣保定二年以訓道守有方頻加賞賜遷遂伯中大夫授驃騎將軍大都督四年進車騎大將軍儀同三司五年詔魯公與畢

公賢等俱以束脩之禮同受業焉天和元年岐
州刺史陳公純舉遜為賢良五年遜以年在懸
車上表致仕優詔不許於是賜以粟帛及錢等
授湖州刺史封安邑縣子邑四百戶民多蠻左
未習儒風遜勸勵生徒加以課試數年之間化
洽州境蠻俗生子長大多與父母別居遜每加
勸導多革前弊在任數載頗被裒錫秩滿還
朝拜皇太子諫議復在露門教授皇子增邑一
百戶宣政元年進位上儀同大將軍大象初

爵崇業郡公增邑三週前二千戶又為露門博
二年進位開府儀同三司大將軍出為汾陰郡
守遜以老病固辭功許之乃改授東揚州刺史
仍賜安車衣服及奴婢等又於本郡賜田十頃
儒者以為榮隋開皇元年卒於家年八十二贈
本官加蒲陝二州刺史遜性柔謹寡於交遊立
身以忠信為本不自矜尚每在眾中言論未嘗
為人之先學者以此稱之所著孝經論語毛詩
左氏春秋序論十餘篇又春秋序義通賈服

說發杜氏違辭理立可觀

史臣曰前世通六藝之士莫不兼達政術故云
拾青紫如地芥近代寸經之儒多暗於時務故
有貧且賤之恥雖通塞有命而大抵皆然嘗論
之曰夫金之質也至剛鑄之可以成器水之性也
柔弱壅之可以壞山此乎肖天
之德朱藍易染薰莸可變同
長纓化齊風而貴紫
服若乃進趣矜尚中庸之
常情高秩厚禮上智
之所欲是以兩漢之朝重

經術而輕法令其聰明特達者咸勵精於專門
以通賢之質挾黼藻之美大則必至公卿小則
不失守令近代之政先法令而後經術其沉默
孤微者亦篤志於章句以先王之道飾腐儒之
姿達則不過侍講訓胄窮則終於弊衣簞食由
斯言之非兩漢棟梁之所育近代薪樗之所產
哉蓋好尚之道殊遭遇之時異也史臣每聞故
老稱沈重所學非止六經而已至於天官律曆
陰陽緯候流略所載釋老之曲靡不博綜其

幽顯故能馳聲海內爲一代儒宗雖前世徐廣
何承天之儔不足過也

